


- 15 Memohon supaya vaksinasi warga kerja MBSP dipercepatkan. Senario buruk akan berlaku, jika peningkatan jangkitan kes baharu dikalangan warga kerja MBSP terus meningkat menyebabkan keseluruhan perkhidmatan municipal akan runtuh, sudah tentu akan membawa kepada implikasi sosial dan kesihatan yang lebih buruk. Ucapan terima kasih yang tidak terhingga kepada YAB Tuan Chow Kon Yeow, Ketua Menteri Pulau Pinang dan YB Tuan Jagdeep Singh Deo A/L Karpal Singh, EXCO Kerajaan Negeri Pulau Pinang, yang telah menyokong kuat usaha ini. Sehingga 14 Ogos 2021, 2,989 pekerja atau 74% daripada 3,996 warga kerja MBSP telah divaksin berbanding hanya 23% sahaja daripada warga kerja divaksin pada awal Ogos 2021, manakala 95 pekerja lagi telah pun mendapat tarikh untuk divaksinasi. Ucapan terima kasih kepada semua warga kerja yang memberi kerjasama meningkatkan pendaftaran dalam MySejahtera untuk mendapatkan vaksin. Bilangan yang belum mendaftar hanyalah 25 orang berbanding 800 orang pada awal Ogos.

- 16 Program Vaksin Peniaga Seberang Perai. Kajian Penilaian dan Penentuan Risiko telah mendapati, pasar adalah kawasan berisiko tinggi jangkitan Covid-19. Alhamdulillah, senarai yang mengandungi 1,353 peniaga telah diterima oleh KKM untuk divaksin secara berperingkat, kumpulan pertama peniaga akan divaksin pada 16 Ogos 2021, iaitu hari ini (Isnin). Setinggi-tinggi penghargaan dan jutaan terima kasih kepada Bahagian Kesihatan Awam JKN Pulau Pinang.

- 17 Sanitasi seluruh bangunan setiap minggu, manakala tempat yang sering disentuh akan disanitasi setiap jam.



- 18 Penutupan tujuh (7) buah Pasar Awam dan satu (1) kompleks penjaja MBSP bagi menyekat jangkitan baharu. Tiga (3) buah pasar awam di SPU iaitu Pasar Awam Kepala Batas (masih ditutup dari 13 Ogos hingga 22 Ogos), Pasar Awam Bagan Ajam, Pasar Awam Mak Mandin dan satu (1) Kompleks Penjaja Jalan Bunga Raya serta Pasar Pagi Apollo telah ditutup. Manakala empat (4) buah pasar awam di SPT yang ditutup iaitu Pasar Awam Bukit Mertajam (tutup 2 kali dan baru dibuka semula 14 Ogos 2021), Pasar Awam Taman Seri Rambai, Pasar Awam Seberang Jaya, Pasar Awam Taman Chai Leng Park

MAJLIS BANDARAYA SEBERANG PERAI

📍 Menara Bandaraya
Jalan Perda Utama, Bandar Perda,
14000 Bukit Mertajam, Pulau Pinang

☎ 04-549 7555

☎ 04-538 9700

🌐 www.mbsp.gov.my



silalah imbas




www.mbsp.gov.my



Situasi jangkitan Covid-19 dikalangan warga kerja MBSP semakin membimbangkan. Penilaian dan Penentuan Risiko telah dibuat berdasarkan enam (6) kriteria;

- 1 Kadar Peningkatan Kes Baharu. Data-data jangkitan menunjukkan peningkatan kes baharu secara mendadak mulai 5 Ogos 2021 di antara 10 hingga 15 kes baharu sehari;
- 2 Taburan kes positif. Menunjukkan 100 kes aktif bukanlah dari satu lokasi sebaliknya dari 12 lokasi iaitu Menara Bandaraya, Tapak Semaian SPU, Tapak Semaian SPS, Pejabat Cawangan Jalan Betek, Rumah Pam Perai dan tujuh (7) depo pembersihan SPU dan SPT;
- 3 Kepadatan Tempat Bertugas sama ada ruang kerja, kenderaan yang digunakan atau dalam pasar awam;
- 4 Perkongsian peralatan kerja;
- 5 Pembersihan rutin secara sendiri seperti membudayakan penggunaan sanitizer ke atas peralatan yang digunakan;
- 6 Budaya berkumpul terutamanya pekerja dilapangan, malahan kadang kala tidak mengamalkan penjarakan fizikal.



- 1 Pelan Kontingensi Pembersihan - Keutamaan adalah untuk melaksanakan tugas-tugas PPS (Perkhidmatan Pungutan Sampah) tanpa gangguan. Manakala tugas KPA (Kerja-Kerja pembersihan am) seperti pemotongan rumput, cucian longkang dikurangkan ke 21 hari atau 30 hari mengikut lokasi, pemotongan rumput di Jalan Persekutuan ditangguhkan pelaksanaannya (pemotongan rumput jalan persekutuan adalah tugas JKR dan MBSP hanya membantu).

- 2 Pelan Kontingensi Penguatkuasaan dilapangan di perlahankan ketahap 50%, tumpuan diberikan kepada pematuan Covid-19, kacau ganggu dan halangan.



- 3 Pelan Kontingensi Perkhidmatan Kaunter. Perkhidmatan terhad kepada pengunjung yang telah membuat janji temu, dengan itu hanya empat (4) kaunter dibuka dan kehadiran staf kaunter dapat dikurangkan sebanyak 50%.

- 4 Mengaktifkan Sudut *Cyber Counter*. Pelanggan kaunter yang tidak membuat janji temu akan diberi tunjuk ajar untuk menggunakan perkhidmatan yang disediakan di Sudut *Cyber Counter* dan bagi mereka yang hanya ingin membuat bayaran samada cukai pintu, sewa gerai atau kompaun akan dipandu untuk mengguna empat (4) kiosk yang disediakan di lobi kaunter berpusat.

- 5 *Cyber Counter* dengan 100 perkhidmatan disediakan. Datuk Bandar telah mengadakan beberapa kali tutorial dalam media FB, Youtube, Instagram supaya bahan siaran ini menjadi rujukan kepada pelanggan yang ingin berurusan di *Cyber Counter*. Peningkatan penggunaan telah mencapai 67% berbanding 52% pada tahun 2020.



- 6 Nisbah Keberadaan di pejabat 20% dan Bekerja Dari Rumah (BDR) 80%, bagi tugas-tugas *non-essential*.

- 7 Keberadaan 100% Wira Oren yang bertugas bagi tugas-tugas *essential* kecuali Wira Oren yang telah dikuarantin, kontak rapat dan *Person Under Investigation* (PUI).

- 8 *Roll call* secara fizikal tidak dibenarkan untuk mengelakkan perhimpunan.

- 9 Wira Oren PPS bergerak dengan motosikal sendiri mengikut lori *compactor* untuk mengelakkan kesesakan dalam kenderaan.

- 10 Semua mesyuarat diadakan di atas talian dan tempoh masa mesyuarat tidak melebihi satu(1) jam.



- 11 *Swab test* segera dilakukan ke atas kontak rapat dan kos ditanggung oleh MBSP sepenuhnya.



- 12 Mengaktifkan *Help Desk* untuk membantu pelanggan yang menggunakan perkhidmatan yang disediakan di atas talian.

- 13 Pemberian Sumbangan Kepada Kakitangan Majlis Bandaraya Seberang Perai yang positif Covid-19 bernilai RM150.00 seorang. Ketua-Ketua Jabatan atau penyelia perlulah mengambil berat dan sering berkomunikasi dengan pekerja yang positif Covid-19 atau keluarga mereka bagi menentukan apa sahaja bantuan keperluan asas yang diperlukan. Saya akan memberi kelulusan serta merta bagi membantu untuk mengurangkan beban kakitangan yang positif Covid-19.

- 14 Meminta kerjasama persatuan yang ada dibawah naungan MBSP seperti PUSPANITA, PESUKA, PERMAI, ANULAE dan KOSPEMA untuk membantu ahli mereka dalam kesusahan. Di samping itu usaha-usaha juga di buat oleh rakan-rakan sekerja mengumpul dana secara sukarela untuk membantu rakan-rakan mereka yang ditimpa musibah tanpa mengira agama dan bangsa yang ditunjukkan oleh warga MBSP.

